

Ժողովուրդ

138
(2618)

1 հոկտեմբերի շաբաթ 2022
տպագրության ժԱ տարի

✉ ք. Երևան, Արմավյան 22ա/3 (0010) ☎ + 374 10 546423 @ info.armlur@gmail.com, info.zhoghovurd@gmail.com

100 դրամ

ՆԻԿՈՎ ՓԱՇԻՆՅԱՆԸ ԽԱՔԵԼ Է ՄԱՍ 103



2 օրից Հայաստանի եւ Ադրբեջանի ԱԳ նախարարները կսկսեն խաղաղության պայմանագրի տեքստի քննարկումները: Երեկ Հանրային հեռուստաընկերության եթերում այս մասին հայտարարեց ՀՀ վարչապետ Նիկոլ Փաշինյանը: Նկատենք՝ դեռ սեպտեմբերի 14-ին ՀՀ վարչապետ Նիկոլ Փաշինյանը խոսել էր խաղաղության պայմանագրի մասին եւ հետո ԱԱԾ-ի շուրթերով հերքել այն: Խոսքը ՀՀ ԱԺ-ում ունեցած իր ելույթի մասին էր: «Մենք ուզում ենք ստորագրել մի թուղթ, որի արդյունքում մեզ լիքը մարդ կքննադատի, կհայհոյի, դավաճան կասի, նույնիսկ կարող է ժողովուրդը որոշի մեզ իշխանությունից հեռացնել, էլի գոհ, շնորհակալ կլինենք, եթե դրա արդյունքում ՀՀ-ն՝ 29.800 քկմ տարածքով, ստանա տեւական խաղաղություն եւ անվտանգություն: Ես շատ հստակ ասում եմ՝ այն որոշումը, որ սա ապահովելու է, ես այդ որոշումը ստորագրելու եմ. ինձ չի հետաքրքրում ինչ կլինի հետո ինձ հետ, ինձ հետաքրքրում է՝ ինչ կլինի հետո ՀՀ-ի հետ», - հայտարարեց Փաշինյանը՝ հավելելով՝ ուրախ ու հպարտ է, որ ՀՀ-ում կա թիմ, կա խորհրդարանական մեծամասնություն, որը հնարավորություն է տալիս իրեն այդ պատասխանատվությունը կրելու: Հենց նրա այս ելույթից հետո շրջանառվեց խաղաղության պայմանագիր ասվածը, որի մասին նաեւ Փաշինյանը Նշեց եւ ժամեր անց հերքեց՝ ասելով. «Պաշտոնապես ասում եմ՝ թուղթ չեմ ստորագրել, որովհետեւ եթե ստորագրեի, կտեղեկացնեի, եւ չեմ պատրաստվում ստորագրել, եւ ընդհանրապես նման խոսակցություն չկա»: Նույն օրը ԱԱԾ-ն տարածեց մի հայտարարություն, որում ասվում էր. «Վարչապետի խոսույթը վերաբերել է բացառապես Հայաստանի Հանրապետության արտաքին անվտանգությունը, ինքնիշխանությունը եւ կայուն խաղաղությունն ապահովող փաստաթղթի ստորագրման պատրաստականությանը, որին պետք է ձգտել»: Երեկ պարզվեց, որ վաղը, երբ ԱԳ նախարարները հանդիպեն, հաջողության պայմանագրի շուրջ քննարկումներ կլինեն, հետեւաբար Նիկոլ Փաշինյանը հերթական անգամ խաբել ու մանիպուլացրել է:

Սեպտեմբերի 28-ին ՀՀ Ազգային ժողովում տեղի ունեցած վարչապետ Նիկոլ Փաշինյանի ու «Քաղաքացիական պայմանագիր» խմբակցության պատգամավորների հանդիպումը բավականին բուռն է անցել: «Ժողովուրդ» օրաթերթը երկու օր շարունակ ՔՊ-ական պատգամավորներից մեկնաբանություն էր խնդրում հասկանալու՝ ի վերջո ինչ են քննարկել Փաշինյանի հետ: Պատգամավորները, սակայն, հանդիպման մասին որեւէ մեկնաբանություն լրատվամիջոցներին չեն տալիս: «Ժողովուրդ» օրաթերթին, այնուամենայնիվ, հաջողվեց պարզել՝ երեք ժամից ավելի պատգամավորներն ինչ են քննարկել իրենց քաղաքական առաջնորդի հետ: «Հարցերը եղել են, ամեն մեկն իր սուրբ պարտքն է համարել լուրջ ու անհանգստացած դեմքով հարց ուղղել Փաշինյանին: Ռազմական դրություն հայտարարելու կամ դրա մասին խոսակցություն արհասարակ չի եղել: Փաշինյանը ներկաներին տեղեկացրել է՝ Ռուսաստանը կարծես թե դեմ չէ, որ Հայաստանը մեկ այլ երկրից գեներ բերի: Ուրախությամբ տեղեկացրել է նաեւ, որ այս պահին գեներ ձեռք բերելու մասով մի քանի երկրի հետ նախնական պայմանավորվածություններ ունեն: Բայց թե որ երկրների մասին է խոսքը, չի մանրամասնել», - տեղեկացրեց ՔՊ-ամերձ մեր աղբյուրը: Այդ օրը խոսվել է նաեւ ՀԱՊԿ-ից դուրս գալու հավանականության ու ՌԴ-ի հետ հարաբերությունները վերանայելու մասին: Փաշինյանը հենց սկզբից ընդգծել է՝ Ռուսաստանի հասցեին խիստ ու կոշտ արտահայտվել չեն կարող, քանի որ դա տնտեսական մի շարք «ապտակներ» կարող է արժենալ՝ գազի գնի վերանայումից մինչեւ ցորենի ներմուծում: Իշխանականները քննարկել են նաեւ Արցախի կարգավիճակի հարցը: «Ժողովուրդ» օրաթերթի տեղեկություններով՝ հանդիպման ժամանակ ընդգծվել է, որ Արցախի իշխանություններին պետք է թողնել բանակցային հարցը: Այսինքն՝ ենթադրել կարելի է, որ Արցախի հարցով հաջորդ բանակցություններում նաեւ Արցախը ներառված կլինի, բայց կբացակայի Հայաստանը: Այն, ըստ երեւույթին, տեղի կունենա Արցախ-Ռուսաստան-Ադրբեջան ձեռագրում:



ՀՀ Ազգային ժողովի աշխատանքը դարձել է իսկական գլխացավանք ինչպես իշխանության, այնպես էլ ընդդիմության համար: Բանն այն է, որ ընդդիմությունը թեեւ հայտարարել է, որ սեփական օրակարգով միայն խորհրդարանի դահլիճ կմտնի, սակայն մինչ օրս չի հաջողվում հաղթահարել շատ արգելքներ եւ մտնել դահլիճ ու կողք կողքի նստել ՔՊ խմբակցության անդամների հետ: Այդպես հարցը առկախվել է: Իշխանության համար եւս պրոբլեմ է, քանի որ, «Ժողովուրդ» օրաթերթի աղբյուրները վստահեցնում են, եվրոպական մի շարք այլ երկրների, ԱՄՆ-ի ներկայացուցիչներ ՔՊ-ականների հետ ամենատարբեր հանդիպումների ժամանակ պահանջ են դնում ապահովել ԱԺ-ի բնականոն գործունեությունը: Դա նշանակում է, որ խորհրդարանում պետք է ներկայացված լինեն եւ ընդդիմադիրները, եւ իշխանության ներկայացուցիչները, լինեն կարծիքների բախումներ: Իշխանությունն էլ փակուղու մեջ է. չեն կարող ընդդիմադիրներին համոզել գալ խորհրդարան, բայց չեն էլ կարող երկար ժամանակ մոնոլոգի վերածված նիստեր անցկացնել, իրենք խոսեն, իրենք լսեն: Իշխանությունն, իհարկե, պատժամիջոցներ կիրառում է փողոցում պայքարի դուրս եկած ընդդիմադիրների նկատմամբ, բայց դեռ անարդյունք: Սեպտեմբերին եւս ընդդիմադիր պատգամավորները, ինչպես նախորդ ամիսներին, չեն ստանա իրենց հասանելիք աշխատավարձը, իսկ իշխանական պատգամավորները պարբերաբար ստանում են ոչ միայն ամբողջական աշխատավարձը, այլեւ պարգեւավճարներ:



ՀՀ իշխանությունները կամ ռազմական գերատեսչության ներկայացուցիչները խուսափում են հստակ ասել, թե սեպտեմբերի 13-ից Ադրբեջանի կողմից սկսված ռազմական գործողություններից հետո Հայաստանն այժմ ինչ տարածքային կորուստներ ունի, որքան մարտական դիրք ենք կորցրել կամ հետ վերադարձրել: «Ժողովուրդ» օրաթերթը պաշտոնական հարցում էր ուղարկել ՀՀ պաշտպանության նախարարություն հետեւյալ բովանդակությամբ. «Այս պահի դրությամբ խնդրում եմ տրամադրել հստակ տվյալներ կամ քարտեզ՝ ինչպիսի դիրքային առավելություններ ունի հակառակորդ կողմը, ինչպիսի առավելություններ ու կորուստներ ունի հայկական կողմը: Ինչքան հատվածներ է օկուպացրել ադրբեջանական կողմը հայկական տարածքներից»: Ի պատասխան՝ Պաշտպանության նախարարությունից հայտնել են ոչինչ չհասող մի նախադասություն. «Ներկա պահին ընթանում են ճշգրտման, համարման եւ վերլուծության անհրաժեշտ աշխատանքներ, որի արդյունքներով կներկայացվեն համապատասխան տեղեկություններ»: Այսինքն՝ 17 օր է անցել զինված ագրեսիայից, որն իրականացվեց Հայաստանի սուվերեն տարածքի նկատմամբ, սակայն դեռ ՊՆ-ն վերլուծում է: Նշենք, որ նախօրեին Գեղարքունիքի մարզում ՀՀ զինված ուժերի գլխավոր շտաբի պետի տեղակալ Առաքել Մարտիրոսյանի ՀՀ սահմանների վերաբերյալ հարց ուղղեց նաեւ Հայաստանում Ֆրանսիայի դեսպան Ն.Գ. Անն Լյույոնը, սակայն Մարտիրոսյանը կրկին խուսափողական պատասխան տվեց: Հետաքրքիր է՝ ինչու է Պաշտպանության նախարարությունը թաքցնում իրականությունը:



ԿԱՅԱՎՈՐՄԱՆ ԱՇԽԱՏԱՆՔՆԵՐ

ՆՈՐ ՄԱՆՄԱՆԱԳԻԾ Է՝ ՄԵԾ ԵՐԿԱՐՈՒԹՅԱՄԲ

ՀՀ սարածխային կառավարման եւ ենթակառուցվածքների նախարար Գնել Մանուսյանը «ժողովուրդ» օրաթերթի հետ զրույցում չհամաձայնեց այն մտքին, թե ռազմավարական նշանակություն ունեցող ճանապարհների վերանորոգման կամ կառուցման հարցում ՀՀ իշխանությունները թերազդ են: Մասնավորապես՝ նախարարից հետաքրքրվել էինք, թե ինչպես է դասառիւծում, որ Արթուրյանն այդ հարցում ակտիվ է, հասկապես՝ 44-օրյա դասառիւծմից հետո, իսկ Հայաստանը դանդաղում է:



որ այս տարի կիրականացնենք այդ նպատակը: Նույնիսկ եթե որոշ հանգամանքներ չխանգարեն, կարող ենք ավելին անել. իրականության մեջ 700 կմ ճանապարհի վրա աշխատանքներ ենք կատարում, սակայն հանգամանքների բերումով բոլորը չենք կարող հասցնել իրականացնել:

Գնել Մանուսյանը նախկինում ՀՀ Գեղարքունիքի մարզպետն էր, նրանից նաեւ հետաքրքրվել ենք, թե ինչու մարզպետ, ապա նաեւ նախարար լինելով՝ չի զբաղվել սահմանների կահավորմամբ:

Դեռ 2021 թվականի մայիսին սահմանների կահավորման հարցը բարձրաձայնում էր նաեւ պատգամավոր Թագուհի Թովմասյանը, իսկ վարչապետ Նիկոլ Փաշինյանն ասում էր, թե ամեն ինչ էլ արվում է: Նիկոլ Փաշինյանը տվեց խուսափողական պատասխան՝ ընդամենը ասելով, որ ոչ միայն արդրեջանցիները, այլև Թովմասյանը չեն կարող տեսնել այն ամենը, ինչ արվում է: «Արվողի հսկայական մեծամասնությունը արվում է գաղտնի: Այն առաջնագիծը, որը տեսանելի է, կանխատեսելի է, մատչելի է, վատ առաջնագիծ է»: Սակայն իրականությունն այն է, որ կահավորումը պատշաճ չի կատարվել:

«Պարոն Մանուսյան, ռազմավարական նշանակության ճանապարհներն ինչո՞ւ արագ կերպով չեն նորոգվում:

«Ես կառավարության նիստում մշտապես խոսում եմ հանրապետական նշանակություն ունեցող ճանապարհների եւ ավելի քիչ տեղական նշանակություն ունեցող ճանապարհների մասին: Եթե մենք վերցնենք ու նայենք մեր կառուցվող ճանապարհները, ապա կտեսնենք, որ միջպետական եւ հանրապետական նշանակություն ունեցող ճանապարհները գերակշռում են: Բոլոր ուղղություններով էլ մենք մեծ ծավալի աշխատանքներ ունենք: Դուք գիտե՞ք՝ մենք հստակ թիրախ ունենք դրված մեր առջեւ, կարող եմ ասել,

«Ինչո՞ւ, ո՞րն է պատճառը, որ դանդաղում ենք, իսկ, օրինակ, մեր թշնամին շատ արագ է գործում:

«Ես չեմ ասի՝ մենք դանդաղում ենք: Ուրիշ բան է, որ կառավարությունն ունի մեծ ցանկություն ավելի շատ աշխատանք անելու, սակայն, ցավոք սրտի, մեր շինարարական պոտենցիալն այդքան մեծ չէ: Սակայն պետք է արձանագրել, որ վերջին տարիներին այդ պոտենցիալը բավական մեծացել է, եւ եթե հինգ տարի առաջ մենք 70 կմ ճանապարհի մասին էինք խոսում ամբողջ երկրով, ապա Դուք լսում եք, որ ես հիմա խոսում եմ 700 կմ ճանապարհի մասին այն էլ այն դեպքում, երբ 200-250 կմ էլ սուբվենցիայով է կառուցվում:

«Պարոն Մանուսյան, Դուք նաեւ Գեղարքունիքի մարզպետ եք եղել, Ձեզ սահման

այցի ժամանակ զոհացրե՞լ է իրավիճակը սահմանների կահավորման մասով: Արդյոք անհրաժեշտ չափով կահավորված են սահմանները:

«Սահմանների կահավորման մանրակրկիտ բացատրությունը ես չեմ, որ պետք է տամ: Որոշակի պատկեր նշեմ. այն սահմանագիծը, որի կահավորումը մենք ակնկալում ենք, որ արվի եւ արվում է, դա նոր սահմանագիծ է՝ բավական մեծ երկարությամբ: Եվ այդ ամբողջ հատվածում պատերազմից հետո հսկայական աշխատանք է տարվել: Արդյոք կամ այլ աշխատանք ինչպե՞ս կա, քանի որ նոր գոտի է, եւ այնտեղ մշտապես նոր աշխատանքների կարիք կա: Դա անում եւ շարունակում է անել համապատասխան գերատեսչությունը:

«Դուք ինքներդ գո՞հ եք կատարված աշխատանքից:

«Ես ինքս կատարված աշխատանք եմ տեսել, ակնհայտ է փոփոխությունն օր օրի եւ ամեն ամիս, այնպես որ, դրական եմ գնահատում աշխատանքը:

Ջրույցեց ՆԱԻՐԱ ՀՈՎՀՍՆՆԻՍՅԱՆԸ

ԿԱՎԵԼԱՆԱՆ ՀԱՏԿԱՑՈՒՄՆԵՐԸ

«2023 թվականի պետական բյուջեի նախագծով նախատեսվում է զգալիորեն ավելացնել անվտանգային եւ տնտեսական ենթակառուցվածքների բարելավմանն ուղղվող կապիտալ ծախսերը. դրանք կկազմեն 557 մլրդ դրամ, ինչը մոտ 200 մլրդ դրամով ավելի է, քան սահմանվել էր 2022-ի պետբյուջեով»,- երեկ՝ կառավարության նիստի ժամանակ, նշել է ՀՀ ֆինանսների նախարար Տիգրան Խաչատրյանը:

Միեւնույն ժամանակ տեղեկանում ենք, որ 2023 թվականի ծախսերի հանրագումարը կկազմի 2 տրլն 590 մլրդ դրամ կամ ՀՆԱ-ի 27.8 տոկոսը: «Այն 2022 թվականի պետբյուջեով հաստատված ծախսերը կզբաղակցի 18.3 տոկոսով: Բացի այդ, կրթության, գիտության, մշակույթի, սպորտի ոլորտներին հատկացվող ֆինանսավորումը 2023-ին նախատեսվում է 250 մլրդ դրամի չափով, ինչը, նախորդ տարվա համեմատ, ավելի է 10,3 տոկոսով: Գիտությանը հատկացվող միջոցները կզբաղակցեն 36 մլրդ դրամը, ինչը ավելի քան 6,5 մլրդ դրամով ավելի է, քան այս տարվա համար սահմանված հատկացումներն են:

Նաեւ կառավարությունը նախատեսում է 2022 թվականն ամփոփել 11-12 տոկոս տնտեսական աճով: Ավելին, 2022 թվականի ութ ամիսներին տնտեսական ակտիվության ցուցանիշն է աճել 13.9 տոկոսով:

Հավելենք, որ «ՀՀ 2023 թ. պետբյուջեի մասին» օրինագիծն արդեն իսկ հավանության է արժանացել կառավարության կողմից եւ առաջնկայում կքննարկվի խորհրդարանում:

ՀՍՏԱԿՈՒԹՅՈՒՆ ԶԿԱ

Սեպտեմբերի 25-ին Հայաստանի մի շարք համայնքներում տեղական ինքնակառավարման մարմինների ընտրություններ են կազմակերպվել, բայց մինչեւ այժմ, օրինակ, պարզ չէ, թե ով է լինելու Ալավերդի խոշորացված համայնքի ղեկավարը:

Այստեղ իշխող «Քաղաքացիական պայմանագիր»-ը ստացել է 13 մանդատ, «Ապրելու երկիր»՝ 13, ՀԱԿ-ը՝ 1: Վճռորոշ ձայնը ՀԱԿ-ն է ասելու, որոշելու, թե ում հետ է միավորվում ու ում հետ է կոալիցիա կազմում:

Միևնույն այս պահը դեռ հստակ չէ, թե, ի վերջո, ինչ որոշում կկայացնի ՀԱԿ-ը, որն Ալավերդի քաղաքի կառավարումը կստանձնի:

Նշենք, սակայն, որ օրեր առաջ թե՛ ԶԿ-ի, թե՛ ԱԵ-ի թեկնածուները Facebook-ի իրենց էջերում գրառումներ են կատարել՝ ասես հուսալով, որ ՀԱԿ-ը հենց իրենց է քվեարկելու:

ԲԱՆԱԿՑՈՒՄ Է

ՖՐԱՆՍԻԱՆ ԱՍՈՒՄ Է՝ ՈՎ Է ԱԳՐԵՍՈՐԸ

«Ֆրանսիան աշխատում է, որդեսգի ամբողջ միջազգային հասարակությունը ճիշտ գնահատի եւ մասնագիտ, թե ով է ագրեսորը», - երեկ՝ Վեդարձուցի մարզ այցի ժամանակ, ArmLur.am-ի հետ զրույցում նշեց ՀՀ-ում Ֆրանսիայի արևակարգ եւ լիազոր դեսպան Ն.Գ. Տիկին Անն Լյույոնը: «Այստեղ իրավիճակն իսկապես լուրջ է, եւ Ֆրանսիան ու ԱՄՆ-ն հասկապես աշխատում են այս ուղղությամբ, որդեսգի մյուս երկրներն էլ ակտիվացան: Հասկապես մենք լուր չենք, մենք ասել ենք, թե ով է ագրեսորը: Հուսով ենք մյուս երկրներն էլ կեսնեն, եւ այս իմաստով այս այցն իսկապես կարեւոր է»:

«Տիկին դեսպան, ի՞նչ եք մտածում Գեղարքունիքի սահմանին տիրող իրավիճակի մասին:

«Իհարկե, այս ամենը շատ լուրջ է: Ի՞նչ կարող ենք անել, որպեսզի ճշմարտությունը հաղթի: Ինչպե՞ս կարող է

հայկական կողմն ապացուցել, որ ագրեսոր երկիրը հենց Արդրեջանն է:

«Ֆրանսիան աշխատում է այդ ուղղությամբ՝ օգնելու համար, որպեսզի այդ փաստերը հավաքվեն եւ ներկայացվեն: Մենք կարծում ենք, որ ամբողջ միջազգային հանրությունը պետք է աշխատի, որպեսզի իրական փաստերը ներկայացվեն: Հենց այդ պատճառով էլ բոլոր դեսպաններն այստեղ են, սա շատ լավ նախաձեռնություն է Հայաստանի կառավարության կողմից, որպեսզի միջազգային հանրությանը ցույց տան, թե իրականում ինչ է տեղի ունեցել այստեղ:

«Սակայն Արդրեջանի նախագահ Իլհամ Ալիևն ասում է, թե իրեն ոչինչ չի կարող կանգնեցնել, եւ կանի այն, ինչ ցանկանում է: Ինչպե՞ս կարող է աշխարհն ու միջազգային հանրությունը կանգնեցնել Արդրեջանին:

«Հենց այդ ուղղությամբ էլ մենք աշխատում ենք Ֆրանսիան ու Ամերիկայի Միացյալ Նահանգները հատկապես եւ այլ դիվանագիտական ներկայացուցիչներ միջազգային հանրության կողմից: Այդ

ուղղությամբ ճիշտ աշխատանքներ են տարվում:

«Բայց Հայաստանում այն տեսակետն է տիրում, թե աշխարհը լուր է. ինչո՞ւ:

«Դա ճիշտ չէ: Ֆրանսիան շատ հստակ հայտարարել է, թե ով է ագրեսոր, ով է պատասխանատուն այս գործողությունների: Եվ մենք հուսով ենք, որ այլ երկրները եւս կմիանան մեզ, եւ այդ պատճառով էլ նման այցերն իսկապես կարեւորություն են ներկայացնում: Սա շատ լավ նախաձեռնություն է:

«ՀՀ վարչապետ Նիկոլ Փաշինյանն ասում է, թե իրավիճակի հանգուցալուծման համար անհրաժեշտ է, որպեսզի սահմանին միջազգային դիտորդներ տեղակայվեն: Ի՞նչ կասեք այս մասին:

«Այո, ես համակարծիք եմ: Այստեղ պետք է միջազգային դիտորդական առաքելություն տեղակայվի, եւ մենք աջակցում ենք այդ գաղափարին: Մենք արդեն խոսել ենք այլ երկրների հետ այս շատ կարեւոր հարցի մասին:

Ջրույցեց ՆԱԻՐԱ ՀՈՎՀՍՆՆԻՍՅԱՆԸ

ՊՈՒՏԻՆԻ ԵԼՈՒՅԹԸ

4 ՏԱՐԱԾՔՆԵՐ ՄԻԱՑԱՆ ՌՈՒՄԱՍՏԱՆԻՆ



Ռուսաստանի նախագահ Վլադիմիր Պուտինը հայտարարել է, որ «Հյուսիսային հոսքի» հեռ կաղված միջադեղերը դիվերսիա էին, որի հետևում կանգնած են արեւմտյան երկրները:

«Պատժամիջոցներն անգլոսաքսոններին բավարար չեն, նրանք դիվերսիաների են անցել: Անհավատալի է, բայց փաստ: Բալթիկ ծովի հատակով անցնող «Հյուսիսային հոսք»-ի միջազգային գազատարների վրա պայթյուններ կազմակերպելով՝ նրանք փաստացի սկսել են ոչնչացնել համաեվրոպական էներգետիկ ենթակառուցվածքը»,- ուրբաթ Ռուսաստանի Դաշնության կազմ նոր սուբյեկտների ընդունման մասին պայմանագրերի ստորագրման արարողության ժամանակ ասել է ՌԴ նախագահը:

«Բոլորին էլ պարզ է, թե ում է դա ձեռնառու: Ում ձեռնառու է, նա էլ, իհարկե, արել է»,- ընդգծել է նա:

Պուտինը նաև նշել է, որ «ԱՄՆ թելադրանքը կառուցված է բիրտ ուժի, բռնուցքի օրենքի վրա՝ երբեմն գեղեցիկ փաթեթավորված, երբեմն առանց որևէ փաթեթավորման, բայց էությունը նույնն է՝ բռնուցքի օրենք»:

Սեպտեմբերի 26-ի գիշերը «Հյուսիսային հոսք 2» խողովակաշարի գծերից մեկում արտահոսք էր տեղի ունեցել: Միջադեղեր գրանցվել էր Դանիայի բացառիկ տնտեսական գոտում՝ Բորնհոլմ կղզուց հարավ-արևելք: Գազի արտահոսք է գրանցվել նաև Բորնհոլմից հյուսիս-արևելք գտնվող առաջին «Հյուսիսային հոսքի» երկու գծերից:

ՌԴ նախագահ Վլադիմիր Պուտինը հիշեցրել է, որ ԱՄՆ-ն առաջինն է միջուկային զենք կիրառել՝ երկու ժամ անտեղիվ ճապոնական Յիրոսիմա եւ Նագասակի քաղաքների վրա:

ԱՄՆ-ն միակ երկիրն է աշխարհում, որը երկու անգամ միջուկային զենք է կիրառել՝ ոչնչացնելով ճապոնական Յիրոսիմա եւ Նագասակի քաղաքները: Ի դեպ, նախադեպ են ստեղծել:

Նրա խոսքով՝ ԱՄՆ-ն նաև «սարսափելի հետք է թողել» Կորեայի ու Վիետնամի պատմության մեջ, իսկ այսօր նրանք փորձում են «օկուպացնել Գերմանիան ու Հարավային Կորեան իրավահավասարության մասին հայտարարությունների ներքո»:

Ռուսաստանը չի ձգտում վերականգնել խորհրդային Միությունը. դա նրան պետք չէ: Այդ մասին ուրբաթ օրը հայտարարել է ՌԴ նախագահ Վլադիմիր Պուտինը՝ ելույթ ունենալով Ռուսաստանի կազմում չորս նոր մարզերի ընդունման արարողության ժամանակ:

տարարել է ՌԴ նախագահ Վլադիմիր Պուտինը՝ ելույթ ունենալով Ռուսաստանի կազմում չորս նոր մարզերի ընդունման արարողության ժամանակ:

Խորհրդային Միություն չկա, անցյալ չկա: Այո, եւ այսօր Ռուսաստանին դա այլևս պետք չէ, մենք դրան չենք ձգտում: Սակայն չկա ավելի ուժեղ բան, քան միլիոնավոր մարդկանց վճռակալությունը, ովքեր իրենց մշակույթով, հավատքով, ավանդույթներով, լեզվով իրենց Ռուսաստանի մաս են համարում:

Պուտինը Կիեւին կոչ է արել անհապաղ դադարեցնել ռազմական գործողությունները եւ վերադառնալ բանակցությունների սեղանի շուրջ: «Մենք Կիեւի ռեժիմին կոչ ենք անում անհապաղ դադարեցնել կրակը, բոլոր ռազմական գործողությունները, պատերազմը, որը նա սանձազերծել էր դեռ 2014-ին, եւ վերադառնալ բանակցությունների սեղանի շուրջ»,- ասել է նա՝ նշելով, որ Ռուսաստանը բազմիցս հայտարարել է բանակցություններ վարելու պատրաստակամության մասին:

տանը բազմիցս հայտարարել է բանակցություններ վարելու պատրաստակամության մասին:

ՌԴ նախագահ Վլադիմիր Պուտինը եւ Դոնեցկի եւ Լուգանսկի ժողովրդական Յանտարայեությունների, Զապորոժյեի եւ Խերսոնի մարզերի ղեկավարները պայմանագրեր են ստորագրել այդ մարզերի՝ Ռուսաստանին միանալու վերաբերյալ:

Արարողությունը տեղի է ունեցել ուրբաթ Կրեմլի մեծ պալատի Գեորգիեւսկի դահլիճում: Փաստաթղթերի ստորագրումից առաջ Պուտինը ելույթ է ունեցել այդ տարածքների՝ Ռուսաստանի կազմ ընդունման մասին:

Օրեր առաջ ԴժՅ-ի, ԼժՅ-ի, Զապորոժյեի եւ Խերսոնի շրջաններում հանրաքվեներ են անցկացվել Ռուսաստանի Դաշնությանը միանալու վերաբերյալ, բնակիչները ձայների մեծամասնությամբ պաշտպանել են այդ որոշումը:

ՕՐՎԱ ԽՃԱՆԿԱՐ

ՀԱՆԳԻՊՈՒՄԸ՝ ՀՈԿՏԵՄԲԵՐԻ 2-ԻՆ

Յուլիտեմբերի 2-ին ժնեւում տեղի կունենա Հայաստանի եւ Ադրբեյջանի ԱԳ նախարարների հանդիպումը:

Այս մասին հայտնում է ՀՀ ԱԳՆ մամուլի քարտուղար Վահան Հունանյանը:

ԱՐԳՅՈՒՆԱՎԵՏ ԱՌԱՋԱՐԿՆԵՐ

2016-2021 թվականներին Ռուսաստանի եւ Հայաստանի միջեւ ապրանքաշրջանառությունն աճել է գրեթե երկու անգամ՝ 1,35 միլիարդ դոլարից հասնելով 2,6 միլիարդի: Ընդ որում՝ այդ աճը շատ հավասարակշռված է. գրեթե կրկնապատկվել է

ինչպես Ռուսաստանի արտահանումը Հայաստան, այնպես էլ Ռուսաստանի ներկրումը Հայաստանից: Առետորի նման աճը հնարավոր է դարձել 2015 թվականին Հայաստանի՝ Եվրասիական տնտեսական միությանը միանալու շնորհիվ: Այս մասին ասել է Ռուսաստանի Դաշնության փոխվարչապետ Ալեքսեյ Օվերչուկը:

«Հայաստանում աշխատում են ավելի քան 40 խոշոր ռուսական ընկերություններ: Նրանք նաև խոշոր հարկատուներ են, այսինքն՝ զգալի չափով ապահովում են երկրի բյուջեի եկամտային մասը:

Մենք շահագրգռված ենք հետագայում եւս զարգացնել փոխադարձ առևտուրը եւ ներդրումները: Ռուսական բիզնեսը պատրաստ է զարգացման արդյունավետ լուծումներ առաջարկել տրանսպորտային, էներգետիկ, սոցիալական ենթակառուցվածքների, թվային տնտեսության ոլորտներում: Հայաստանի համար կարող են հետաքրքրություն ներկայացնել քա-

ղաքացիներին թվային պետական ծառայությունների մատուցման ոլորտում մեր որոշումները»,- նշել է Օվերչուկը:

ՏԱՐԵԿԱՆ ՀԱՆԳԻՊՈՒՄՆԵՐ

Հայաստանի ֆինանսների նախարար Տիգրան Խաչատրյանը եւ Կենտրոնական բանկի նախագահ Մարտին Գալստյանը Վաշինգտոնում կմասնակցեն Համաշխարհային բանկի խմբի եւ Արժույթի միջազգային հիմնադրամի տարեկան հանդիպումներին:

ՀՀ վարչապետ Նիկոլ Փաշինյանը որոշում է ստորագրել ԱՄՆ պատվիրակություն գործուղելու մասին:

ՀՀ ֆինանսների նախարարն ու Կենտրոնական բանկի նախագահն ԱՄՆ-ում կլինեն հոկտեմբերի 10-17-ը:

ԿԲԱԽՎԵՆ ԽՆԴԻՐ

Եվրամիության երկրները 6-8 ամսից կարող են նախաձեռնել պակասի ու դրանց գների կրկնակի բարձրացման հետ առնչվել: Այս մասին գրում է ռուսական Ведомости լրատվական ու հաղորդում հղում անելով Ռուսաստանի էներգետիկ գործակալությանը:

Ըստ Եվրոպական վիճակագրական ծառայության տվյալների՝ սեպտեմբերի 19-ի տվյալներով՝ ԵՄ-ում 1 լիտր բենզինի միջին գինը կազմել է 1.76 եվրո, 1 լիտր դիզելինը՝ 1.8 եվրո: ԵՄ-ում բենզինի արժեքը, փետրվարի համեմատ, երբ սկսվել է ռուս-ուկրաինական պատերազմը, աճել է 2.9%-ով, դիզելային վառելիքը թանկացել է 15.4%-ով:

Նշենք, որ մարտի սկզբին էր Bloomberg-ն էր գրել, որ Գերմանիայի բենզալցակայաններում դիզելառելիքը 15 տարվա մեջ առաջին անգամ գերազանցել է բենզինի արժեքը:

Բրիտանական The Sun թերթը հուլիսին գրել էր, որ բենզինի գների բարձրացման պատճառով Մեծ Բրիտանիայի բնակիչների առնվազն 10%-ը հրաժարվել է արձակուրդային ծրագրերից, իսկ վարորդների ավելի քան 12%-ը, ըստ հրապարակման, դադարել է մեքենայով աշխատանքի գնալ:

ՄՏՈՐԱԳԻՐԵԼ Է ԱԶԱՏՈՒՄԸ

ՀՀ վարչապետ Նիկոլ Փաշինյանը սեպտեմբերի 29-ին որոշում է ստորագրել, ըստ որի՝ ՔՏՀԱ տեսչական մարմնի ղեկավարը պաշտոնից ազատվել է:

«Ղեկավարվելով «Հանրային ծառայության մասին» օրենքի 9-րդ հոդվածի 3-րդ մասով՝ Գեղամ Շախբազյանին ազատել քաղաքաշինության, տեխնիկական եւ հրդեհային անվտանգության տեսչական մարմնի ղեկավարի պաշտոնից»,- ասված է որոշման մեջ:

Հիշեցնենք, որ ArmLur.am-ը գրել է, որ Տեսչական մարմինների աշխատանքների համակարգման գրասենյակի ղեկավար Արթուր Ասոյանը ազատման դիմում է գրել: Տեղեկությունը անձամբ մեզ հետ զրույցում հաստատեց նա՝ նշելով, որ կա նման բան: Մեր այն հարցին՝ ինչն է պատճառը, հայտնեց, որ պաշտոնից հեռանալը այլ աշխատանքի անցնելու հետ է կապված:

Ավելացնենք, որ վարչապետի աշխատակազմը վաղուց է որոշել տեսչականի պետին ու գրեթե բոլոր տեսչությունների ղեկավարներին ազատել ու իրենց սրտի թեկնածուներին նշանակել այդ պաշտոններում:

Հավելենք, որ ՔՏՀԱ տեսչական մարմնի ղեկավարի՝ պաշտոնից ազատումը կապված է «Սուրմալու» առևտրի կենտրոնի պայթյունի հետ:

ՎՆԱՍԵԼ Է ՉԵՌՔԸ

ArmLur.am-ին հայտնի դարձավ, որ Մարտունի քաղաքում ուշագրավ դեպք է եղել: 27 տարեկան աղջիկն ընկերոջ հետ վիճել է հեռախոսով, որից հետո հարազատները նկատել են, որ նա խոհանոցային դանակով վնասել է ձախ ձեռքը: Հարազատները նրան շտապ տեղափոխել են հիվանդանոց, վիճակը նորմալ է:

ՀԱՍԱՐԱԿՈՒԹՅՈՒՆ

ՄԱՐԶ

ԿՈՉ ՀԱՄԱՅՆՔԱԳԵՏԱՐԱՆԻՑ

2021թ. փետրվարի 26-ին վարչապետ Նիկոլ Փաշինյանի որոշումով Դիլիջան խոշորացված համայնքի ղեկավար Նշանակված, իր անձնական գործերում իր սեռը «արու» գրած, ԶՊ կուսակցության Դիլիջանի տարածքային կառույցի ղեկավար Դավիթ Սարգսյանի ղեկավարած Դիլիջանի համայնքապետարանի ինտերնետային կայքում սեպտեմբերի 27-ին նյութ է զետեղվել՝ «Սեպտեմբերի 27-ը 44-օրյա պատերազմում զոհվածների հիշատակի օրն է» վերնագրով: Այնտեղ բավական վիճահարույց եւ սխալ մտքեր կան, օրինակ՝ «Հայաստանում ու Արցախում այդ օրերին հայտարարվել էր ռազմական դրություն ու զորահավաք, բազմաթիվ հայորդիներ կամավոր մեկնում էին ռազմաճակատ՝ 44 օր շարունակ կենաց ու մահու կռիվ տալով՝ հայրենի հողը պաշտպանելու համար»: 44 օրվա ընթացքում Նիկոլ Փաշինյանը զորահավաք չհայտարարեց, Արցախում մարտնչող բանակը չհամարվեց, եւ դա պատերազմում մեր պարտության պատճառներից մեկն էր: Այդ նյութի վերջում նշված է. «Իհարկե, այսօր բարդ ժամանակներում ենք ապրում, սակայն, սիրելի՛ հայրենակիցներ, պետք է գիտակցենք մեր միասնական ուժի ծավալը եւ պայքարենք միայն թշնամու դեմ»: Թշնամի ասելով՝ երեւի նկատի ունեն Նիկոլ Փաշինյանի կողմից կիրթ ու կառուցողական որակված Իլիամ Ալիեւի ղեկավարած Ադրբեջանը, որին Նիկոլ Փաշինյանը թշնամի չի համարում: Ըստ Դիլիջանի համայնքապետարանի՝ պետք չէ պայքարել Հայաստանում ժողովրդավարության հաստատման համար, իշխանության կամակառույցների, օրենքի խախտումների դեմ, այլ միայն թշնամու դեմ:

ԽՂՃՈՒԿ ԱՃԽԱՏԱՎԱՐՁԵՐ

Կառավարությունն իր սեպտեմբերի 29-ի նիստում հավանություն տվեց «Նվազագույն ամսական աշխատավարձի մասին» օրենքում փոփոխությունների նախագծին: Նախագծով առաջարկվում է 2023 թվականի հունվարի 1-ից ՀՀ-ում նվազագույն ամսական աշխատավարձի չափը բարձրացնել՝ 68,000 ՀՀ դրամից դարձնելով 75,000 ՀՀ դրամ եւ, ըստ այդմ, սահմանել գործավարձով կամ ժամավճարով վարձատրվող կամ ոչ լրիվ աշխատատեղերի ռեժիմով աշխատողների համար ժամային տարիֆային դրույքի նոր նվազագույն չափեր: Կառավարության այս որոշումը էական ազդեցություն չի ունենալու: Տավուշի մարզի բնակավայրերի մեծ խանութներում աշխատողներ կան, ովքեր օրական աշխատում են 10-12 ժամ, նույնիսկ շաբաթ օրերը, սակայն վարձատրվում են 50-60 հազար դրամի չափով: Նրանց մի մասը որպես աշխատողներ ձեւակերպված չեն, նրանց համար գործատուն պետական բյուջե սոցիալական վճար չի մուծում: Տավուշի մարզի փոքր դպրոցներում ուսուցիչներ են աշխատում, որոնք, դրույքից պակաս դասաժամ ունենալով, ստանում են մոտ 60 հազար դրամ աշխատավարձ, ինչն ավելի քիչ է, քան նույն դպրոցի հավաքարարի ռոճիկը:

ՈՍԿԱՆ ՍԱՐԳՅԱՆ Տավուշ

ՅԵՐՈՍԱԿԱՆ ԴՐՎԱԳՆԵՐ

ՋԻՆՎՈՐՆԵՐԸ ԴՈՒՐՍ ԵՆ ԵԿԵԼ ՇՐՋԱՓԱԿՈՒՄԻՑ

ՀՀ դաճաճության մախարառությունը ներկայացնում է ադրբեջանական հարձակման ժամանակ հայ զինծառայողների բացառիկ խիզախության մի քանի դրվագներ: 2022 թ. սեպտեմբերի 13-ին ադրբեջանական զինուժի հարձակման ժամանակ N մարտական դիրքի ավագ, դասադիր ժամկետային զինծառայող, կրսուեր սերժանտ Տարոն Մեհերի Գալոյանը, ճգնաժամային իրավիճակում կրակը, կասեցրել է թեմամու առաջխաղացումը, կրակային աջակցություն ցուցաբերել հարեւան դիրքերին: Մարտական դիրքի անձնակազմը դարբերաբար ճգնաժամային ապաստան է սվել հրաձգային զուսարակի ակամանեսային մարտկոցի թեմամու առաջխաղացումը կասեցնելու նպատակով, որի արդյունքում հեն եմ ցորեկ հարձակվող զրոհային խմբերը՝ դաճաճելով կենդանի ուժի մեծ կորուստներ:



Մարտական դիրքի անձնակազմը հմուտ ու վստահ գործողություններով ոչնչացրել է հակառակորդի զինամթերքի պաշարները, իսկ պարտադիր ժամկետային զինծառայող, սերժանտ Հովհաննես Ռոբերտի Հարությունյանը «ԿՈՐԴ» տեսակի գնդացրով դիպուկ կրակով ոչնչացրել է հակառակորդի կենդանի ուժն ու ամբողջությամբ այրել թշնամու հենակետը:

2022 թվականի սեպտեմբերի 13-ին ադրբեջանական զինված ստորաբաժանումների նախահարձակ գործողությունների ընթացքում N զորամասի դիվիզիոնի Դ-30 հրետանային մարտկոցը, կապիտան Արկադի Իշխանի Բարսեղյանի հրամանատարությամբ, զբաղեցրել է կրակային դիրքեր, անցել մարտական խնդրի կատարմանը եւ հակառակորդի կրակը վերցնելով իր վրա՝ ապահովել է մյուս ստորաբաժանումների մշտական տեղակայման վայրից անվտանգ դուրս-

բերումը դեպի կիրառման շրջաններ, տեղաշարժն ու բացազատումը:

Ռազմական գործողությունների ընթացքում հրետանային մարտկոցը դիպուկ կրակով բազմիցս կասեցրել է թշնամու գրոհային խմբերի եւ ռազմական տեխնիկայի առաջխաղացումը, ճնշել հրետանու կրակային դիրքերը՝ հասցնելով մեծաթիվ կորուստներ:

2022 թ. սեպտեմբերի 13-ին ժամը 12:30-ի սահմաններում, հակառակորդը մեծաթիվ ուժերով շրջափակման մեջ է վերցրել N զորամասի պաշտպանության գոտու մարտական դիրքերից մեկը եւ անձնակազմից պահանջել վայր դնել զենքերը ու հանձնվել: Դասակի հենակետի պատասխանատու, լեյտենանտ Գեորգ Կարենի Հարությունյանն ու դիրքի ավագ, պարտադիր ժամկետային զինծառայող, շարքային Հրայր Ապրեսի Ներկարայանը, գնահատելով իրավիճակն ու

չենթարկվելով թշնամու պարտադրանքին, խելամիտ եւ հմուտ գործողություններով հակառակորդին մոլորեցրել են եւ դուրս եկել շրջափակումից:

2022 թ. սեպտեմբերի 13-ին՝ ժամը 12:10-ի սահմաններում՝ տանկային եւ հրետանային ուժերի գնդակոծությունից հետո, թշնամին պաշտպանության գոտու N մարտական դիրքի աջ եւ ձախ ուղղություններով գրոհ է ձեռնարկել:

Գնահատելով իրավիճակը՝ մարտական դիրքի ավագ, պարտադիր ժամկետային զինծառայող, կրսուեր սերժանտ Եսայի Յանեսի Արզիեւի հրամանատարությամբ անձնակազմը խելամտորեն իրականացնում է խուսափարում եւ զուգահեռաբար վերադաս հրամանատարությանն է փոխանցում նրանց կորդիկատները, ինչի արդյունքում մեր հրետանին դիպուկ համազարկերով ոչնչացնում է թշնամուն:

ՀԱՍՏԱՏՎԵՑ

ՄԵՎԱՆԱ ԼՃԻ ՎԵՐԱԿԱՆՔՆՄԱՆ ԾՐԱԳԻՐ

Կառավարությունն իր սեպտեմբերի 29-ի նիստում հաստատեց Մեւանա լճի էկոհամակարգի վերականգնման, դահողանման, վերահարման եւ օգտագործման միջոցառումների 2023 թվականի սարեկան ծրագիրը:

Որոշման հիմնավորման մեջ նշվում է, որ համալիր ծրագրի միջոցառումները, որոնք շարունակական բնույթ ունեն, ներառվում են տարեկան ծրագրում կազմվելով դրա մի մասը:

Համալիր միջոցառումների սահմանման սկզբունքներն են՝

1. Մեւանա լիճը եւ նրա ջրհավաք ավազանը, ըստ տարածքի գործառնական բնույթի, որպես մեկ ամբողջական համակարգ դիտարկելը,
2. Մեւանա լճի ջրային բացասական հաշվեկշռի բացառումը (բացառությամբ օրենքով նախատեսված դեպքերի) եւ լճի էկոլոգիային անհրաժեշտ մակարդակի բարձրացման ապահովումը,
3. կենսաբազմազանության պահպանության գերակայությունը,
4. Մեւանա լճի եւ նրա ջրհավաք ավազանի տարածքներում էկոլոգիայես

մաքուր եւ անվտանգ տեխնոլոգիաների, այդ թվում՝ կենսատեխնոլոգիաների պարտադիր կիրառումը,

5. կարճաժամկետ, միջնաժամկետ եւ երկարաժամկետ ծրագրերի մշակումը եւ դրանց բնապահպանական պետական, ինչպես նաեւ օրենքով սահմանված այլ փորձաքննության պարտադիր ապահովումը,

6. բնօգտագործման ավանդական ձեւերի խրախուսումը եւ աջակցումը:

Հաշվի առնելով վերջին շրջանում Մեւանա լճի էկոհամակարգի վիճակի վերաբերյալ անհանգստացնող հարցերի կարևորությունը, դրանց ուսումնասիրման, պատճառների հայտնաբերման եւ կանխարգելիչ միջոցառումների իրականացման հրատապությունը՝ առանձնացվել են մի շարք միջոցառումներ՝ միտված լճի որակական եւ քանակական հիմնախնդիրների կարգավորմանը:

Ծրագրում ներառվել են ավելի քան 20 միջոցառումներ, որոնց իրականացման արդյունքում ակնկալվում է Մեւանա լճի էկոլոգիական հավասարակշռության վիճակի բարելավում, լճի եւ դրա ջրհավաք ավազանի էկոհամակարգերի կենսա-

բազմազանության պահպանություն եւ կենսապաշարների կայուն օգտագործման բարելավում, ափամերձ ջրածածկ տարածքներից անտառաշերտերի մաքրում, ապօրինի կառուցված շենք-շինությունների ապամոնտաժում, կեղտաջրերի մաքրման կայանների նախագծում եւ կառուցում, ռեկրեացիայի արդյունավետ զարգացում, «Մեւան» ազգային պարկի կառավարման համակարգի կատարելագործում, տարածքային զարգացման սոցիալ-տնտեսական ծրագրերի մշակում եւ իրականացում եւ այլն:

Խիստ անհրաժեշտություն է առաջացել վերանայելու Մեւանա լճի մասին օրենսդրությունը, իրականացնելու գործող օրենսդրության, ներկա իրավիճակի վերլուծություն եւ գնահատում, գիտական հիմնավորումների եւ վերլուծությունների թարմացում, կլիմայի փոփոխության նկատմամբ էկոհամակարգի խոցելիության վերլուծություն եւ գնահատում, բացասական սցենարների նկատմամբ կանխարգելիչ միջոցառումների եւ առաջարկությունների ներկայացում:

ՆԱԽՈՎ ՀՈՎՅԱՆՆԻՍՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 10 ՃՏՊ. 1 մարդ զոհվել է, 10-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«ԳԵՈՊՐՈՄԱՅԻՆԻՆԳ»

ՏԵԽՆԻԿԱԿԱՆ ՀԱՄԱԼՐՈՒՄ



«ԳեոՊրոՄայինԻնգ» շարունակում է համայնքներում համալրել կոմունալ ծառայությունների սպասարկման տեխնիկական պարկը:

Կայուն զարգացման ծրագրերի շրջանակում «ԳեոՊրոՄայինԻնգ գոլդ» ընկերությունը Արարատ համայնքի համար ձեռք է բերել էքսկավատոր-բեռնիչ «New Holland B80B» եւ բազմաֆունկցիոնալ կցորդիչներով տրակտոր «Բելարուս»: Էքսկավատոր-բեռնիչը նախատեսված է հողային, բեռնման-բեռնաթափման, գյուղատնտեսական աշխատանքների համար, օգտագործվում է դժվարանցանելի ճանապարհների բարելավման, ճանապարհների եւ խողովակաշարերի կառուցման համար: Վեց կցորդիչներով բազմաֆունկցիոնալ տրակտորը նախատեսված է համայնքի սանիտարահիգիենիկ չափանիշներն ապահովելու համար:

Նախագծերն իրականացվում են «Ռեսուրսներն ի բարօրություն» կորպորատիվ ծրագրի շրջանակներում, որը կոչված է ապահովելու «ԳեոՊրոՄայինԻնգ» ընկերությունների խմբի ներկայության մարզերի կայուն զարգացումը:

«Որպես պատասխանատու գործատու՝ մենք պարբերաբար խորհրդակցում ենք տեղական ինքնակառավարման մարմինների հետ՝ որոշելու ամենաառաջնահերթ ծրագրերը: Մենք ուրախ էինք աջակցելու նախաձեռնություններին, որոնք ուղղված են համայնքի սոցիալական մակարդակի բարձրացմանը: Սա կօգնի մաքուր եւ կոկիկ պահել այն համայնքների եւ քաղաքների ճանապարհներն ու փողոցները, որտեղ ապրում են մեր աշխատողները», - մեկնաբանեց «ԳեոՊրոՄայինԻնգ գոլդ» ընկերության գլխավոր տնօրեն Անատոլի Գոգոտինը:

«ԳեոՊրոՄայինԻնգը» պարբերաբար ներդրումներ է կատարում կոմունալ տնտեսությունների զարգացման եւ սանիտարահիգիենիկ չափանիշների պահպանմանը աջակցելու համար: Ավելի վաղ ընկերությունը մի քանի աղբահավաք տեխնիկա եւ ավտոբուս էր գնել Արարատ համայնքի համար:

Ընկերության սոցիալական ներդրումները Հայաստանում գերազանցում են \$ 15 մլն ԱՄՆ դոլարը:

ՊԵՏԱԿԱՆ ԾՐԱԳԻՐ

ՆՈՐ ՊԱՅՄԱՆՆԵՐ՝ ՏԱՎԱՐԱԲՈՒՅԾՆԵՐԻ ՀԱՄԱՐ

Հայաստանում ղեկավարող ծրագրի արձանակում սնտեսավարողները ձեռք են բերել 2017 թվականի հունիսին խոսք եղջերավոր կենդանիներ, որոնց մոտ 20 տոկոսը բուծված է սեղում, իսկ մնացածը ներկրվել է:

Ծրագրի գլխավոր նպատակն է պայմաններ ստեղծել տավարաբուծությանը զբաղվող տնտեսավարողների համար, որպեսզի կարողանան ձեռք բերել տոհմային բարձրարժեք, արտադրատնտեսական արժեքավոր հատկանիշներով օժտված խոշոր եղջերավոր կենդանիներ, մասնավորապես՝ 14-17 ամսական էգ հորթեր եւ երիւնջներ:

Ընդհանուր նախրում պետք է լինի տոհմային կորիզ, այսինքն՝ այնպիսի կենդանիներ, որոնք օժտված են բարձր գենետիկական ներուժով եւ բարձր մթերատվությամբ: Ծրագիրը տնտեսավարողներին հնարավորություն է տալիս ձեռք բերել այնպիսի կենդանիներ, որոնք կնպաստեն տեղում բուծվող կենդանիների մթերատվության բարձրացմանը: Ծրագրից կարող են օգտվել ինչպես իրավաբանական, այնպես էլ ֆիզիկական անձինք: Դրա շրջանակներում ձեռք բերվող առավելագույն գլխաքանակը 300 գլուխ կենդանին է: Տրամադրվում է մինչեւ 300 մլն դրամի վարկ, այսինքն՝ մեկ կենդանու հաշվով վարկը կազմում է 1 մլն դրամ: Վարկի տոկոսադրույքը պետությունը սուբսիդավորում է այն չափաքանակով, որ տնտեսավարողի համար տոկոսադրույքը մնա կամ մի դեպքում 2 տոկոս, կամ մյուս դեպքում՝ 3 տոկոս: «Կառավարության կողմից հաստատվել է մի որոշում, որով փորձել ենք խթանիչ ֆունկցիա կիրառել, որ Հայաստանում զարգանա տոհմային վաճառքը: Այսինքն՝ եթե ձեռք են բերում Հայաստանում անճեղված տոհմային կենդանի, սուբսիդավորվում են այն չափաքանակով, որ իրենց համար տոկոսադրույքը կազմի 2 տոկոս: Իսկ եթե ներկրում են կենդանի,



այդ դեպքում՝ 3 տոկոս: Սահմանափակում է համայնքների տնտեսավարողների եւ կոոպերատիվների համար վարկը հատկացվում է 0 տոկոսով, այսինքն՝ պետությունն ամբողջությամբ սուբսիդավորում է:»

Ծրագրի մեկնարկից ի վեր դրանից օգտվել է 26 շահառու, որոնք ձեռք են բերել 1670 գլուխ խոշոր եղջերավոր կենդանիներ: Վարկի ընդհանուր գումարը կազմել է 1 մլրդ 607 մլն դրամ: Պետությունը սուբսիդավորել է շուրջ 267 մլն դրամ: Ծրագրի շրջանակում ձեռք բերված գլխաքանակի 20 տոկոսը՝ շուրջ 330 գլուխ կենդանի, ձեռք է բերվել Հայաստանից: Ընդ որում, Տեր-Իսահակյանի խոսքով, ՀՀ են ներկրվել ճանաչված ցեղատեսակի կենդանիներ ինչպես եվրոպական երկրներից, այնպես էլ ՌԴ-ից, Ուկրաինայից:

Հայաստանում խոշոր եղջերավոր կենդանիների գլխաքանակը 2022 թվականին կազմել է շուրջ 560 հազար գլուխ, այդ թվում՝ կովերի գլխաքանակը շուրջ

246 հազար: Հայաստանում մեկ կովի միջին կաթնատվությունը տատանվում է շուրջ 2450 կգ-ի սահմաններում:

Ծրագրի շրջանակում ձեռք բերված կենդանիներն իրենց մթերատվությամբ բավականին տարբերվում են ՀՀ-ում արձանագրված խոշոր եղջերավոր կենդանիների մթերատվության միջին ցուցանիշներից: Այդ կենդանիների մթերատվությունը գրեթե կրկնակի, որոշ դեպքերում անգամ ավելի գերազանցում է հանրապետության միջին ցուցանիշները: Մասնագիտական տեսանկյունից չափազանց կարևոր է սոր գենոֆոնդի եւ բարձր ներուժի ներկրումն ու օգտագործումը հետագա բուծման եւ տոհմային գործի մեջ:

Ծրագրի շրջանակում ձեռք բերված կենդանիների գենոֆոնդը հետագայում նաեւ կօգտագործվի տրամախաչումների միջոցով հանրապետության այլ կենդանիների արտադրատնտեսական որակի բարելավման համար:

«ՀՈՒՅՍ ՈՒՆԵՄ, ՈՐ ԿԲԱՅԼԵՄ»

ՇՈՒՇԻԻ ՄԱՐՏԵՐԻ ՄԱՍՆԱԿԻՑ

Նորայր Ավագյանը 44-օրյա դաժնաբանական մասնակից է, հենց առաջին օրերին կամավորագրվեց ու մեկնեց ճակատ: Վճռորոշ դարձան Շուշիի մարտերը, այնտեղ էլ վիրավորում ստացավ ողնաշարի հասվածում: Նորայրն այժմ սանք վերականգնողական վարժություններ է կատարում MetaGait սարքով:

«ՔայլՏեք» ընկերության նորարարական մարզասարքն օգնում է վերականգնել շարժունակությունը, ստեղծում է քայլի իմիտացիա: VR ակնոցով եւ հատուկ մշակված խաղերով անձը տեղափոխվում է վիրտուալ իրականության, որտեղ հնարավոր է դաժնուկ քշել, վազել կամ զբոսնել:

Նորայրին MetaGait-ը հասավ «Ակբա» բանկի աջակցության շնորհիվ:

«Շատ եմ ուզում քայլել, ապրել երազանքներով ու ապագային ուղղված նպատակներով: Մարզվելիս մոռանում եմ, որ չեմ քայլում, ու MetaGait-ի կարելու ֆունկցիան դա է. ես ուղեքս տեսնում եմ շարժելուց, տարվում եմ դաժնուկով, ու մեկ-մեկ թվում է, թե ցուրտն էլ եմ գգում: Ձոր եմ իջնում, դիմացս քարեր են, աջ ու



ձախ եմ անում, շարժունակության համար շատ ընտիր բան է: Մարզվելիս ավելի առույգ եմ զգում, կարելուց գլխուղեղը չմոռանա, որ ինքը նման ֆունկցիա ունի: Հույս ունեմ, որ կքայլեմ», - նշում է Նորայր Ավագյանը:

«Մեզ համար կարելու էր, որ հաշմանդամություն ունեցող անձանց հետ աշխատելիս մենք սովորեցնեինք այն ֆունկցիաները, որ ինքը կորցրել է: Հիմա, երբ հաշմանդամություն ունեցողն ամեն օր գոնե կես ժամ կանգնի սարքի վրա, իր մտտի մի շարք հիվանդություններ չեն առաջանա: «Ակբա» բանկի միջոցով մեր

տղաներից մեկին կարողացանք ապահովել նման սարքով: Կա նաեւ MetaGait-ի հավելված, որտեղ երեւում է, թե ով որքան ժամանակում: Բժիշկը կարողանում է հետեւել, գրում է՝ ինչ փոփոխություններ կան», - նշում է «ՔայլՏեք» ընկերության հիմնադիր Դավիթ Արսենյանը:

MetaGait-ն օգնում է խուսափել անշարժության հետեւանքով առաջացող ավելի քան 30 հիվանդությունից: MetaGait-ի հիմքում հեռավար ռեաբիլիտացիայի գաղափարն է:

Բանկը վերահսկվում է ՀՀ ԿԲ կողմից:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՀԱՆԳԻՊՈՒՄ

ՄՇԱԿՈՒԹԱՅԻՆ ՀԱՄԱԺՈՂՈՎ

ՀՀ ԿԳՄՍ նախարար Վահրամ Գումանյանը սեպտեմբերի 29-ին գեկույցով հանդես է եկել ՅՈՒՆԵՍԿՕ-ի Մշակութային ֆաղափականության և կայուն զարգացման համաժառանգային համաժողովի «Ժառանգությունը և մշակութային բազմազանությունը ճգնաժամի ժամանակ» թեմատիկ նիստում:



Գորիս, Զեյնունյ, Վարդենիս, Կապան, Սոթք քաղաքների և հարակից գյուղերի ուղղությամբ:

«Ժառանգությունն ու մշակութային բազմազանությունը ճգնաժամի ժամանակ» թեման չափազանց կարևոր է և հաճախ պահանջում է միջազգային ներգրավվածություն: Հայաստանի համար շատ կարևոր է ներկայումս Ադրբեջանի վերահսկողության ներքո գտնվող Լեռնային Ղարաբաղի (Արցախի) տարածքներում հայկական մշակութային ժառանգության պահպանման հարցը:

2020 թվականի նոյեմբերի 9-ից հետո Ադրբեջանի վերահսկողության տակ են անցել հայկական ավելի քան 2000 մասնավոր մշակութային հուշարձաններ, ինչպես նաև 12 պետական թանգարաններ և պատկերասրահներ՝ 21000 նմուշներով: Այս պատմական վայրերի պահպանման հետ կապված լուրջ մտահոգություններ կան՝ հաշվի առնելով վերջին մի քանի տասնամյակների ընթացքում իր տարածքներում հայկական մշակութային ժառանգության համակարգված ոչնչացման՝ Ադրբեջանի հայտնի և փաստագրված պրակտիկան, օրինակ՝ Նախիջեանի դեպքում: Ադրբեջանի իրականացում է Արցախում և մերձակա տարածքներում հայկական ներկայության պատմական ապացույցները բնաջնջելու քաղաքականություն հայկական հուշարձանների և մշակութային վայրերի միտումնավոր ոչնչացման միջոցով:

Ադրբեջանական ագրեսիան հանգեցրել է հարյուրավոր մարդկային կորուստների, այդ թվում՝ Հայաստանի խաղաղ բնակչության շրջանում: Հայաստանի Հանրապետության ինքնիշխան տարածքում Ադրբեջանի ռազմական հանցագործությունների պատճառով այժմ վտանգի տակ է գտնվում թիրախային շրջանների հարուստ մշակութային ժառանգությունը՝ ներառյալ ավելի քան 500 հուշարձան, 14 թանգարան՝ 45 000 նմուշներով:

Հայաստանի մարդու իրավունքների պաշտպանի գրասենյակի կողմից հավաքված տվյալների համաձայն՝ Գեղարքունիքի, Վայոց ձորի և Սյունիքի մարզերից արդեն տեղահանվել է առնվազն 7600 հոգի: Այդ մարդիկ այժմ գրկված են իրենց հիմնական իրավունքներից, այդ թվում՝ մշակույթի հասանելիության իրավունքից, որը հակասում է ՄԱԿ-ի Մարդու իրավունքների համընդհանուր հռչակագրին (հոդված 27), որտեղ ասվում է, որ յուրաքանչյուր ոք ունի հասարակության մշակութային կյանքին մասնակցելու, արվեստից բավականություն ստանալու, գիտական առաջընթացին մասնակցելու և նրա բարիքներից օգտվելու իրավունք:

Արցախում 2020 թվականի 44-օրյա պատերազմից ի վեր Հայաստանը շարունակաբար իրազեկում է միջազգային հանրությանը Լեռնային Ղարաբաղում և սահմանին տիրող իրավիճակի մասին: 2022 թվականի սեպտեմբերի 13-ին Ադրբեջանը լայնածավալ ռազմական ագրեսիա է ձեռնարկել հայ-ադրբեջանական սահմանի մի քանի ուղղություններով, ինչպես նաև Հայաստանի Հանրապետության

տական առաջընթացին մասնակցելու և նրա բարիքներից օգտվելու իրավունք:

Այսպիսով, ավելի արդիական է դառնում անդրադարձնալ այս խնդրին և իրականացնել դեպի Լեռնային Ղարաբաղ և հարակից տարածքներ ՅՈՒՆԵՍԿՕ-ի տեխնիկական առաքելությունը:

Ժառանգությունը և մշակութային բազմազանությունը պետք է լինեն խաղաղ գործընթացի կարևոր մասը: Այսպիսով, կոչ են անում միջազգային գործընկերներին իրենց ծայրն ու ներդրումն ունենալ Հայաստանում և Լեռնային Ղարաբաղում հազարամյա հայկական մշակութային և կրոնական ժառանգության պահպանման գործում:

Ցանկանում են ընդգծել, որ ժառանգությունը ճանաչվում է որպես կայուն զարգացման, երկխոսության և խաղաղության կարևոր գործոն: Մենք խորապես հավատում ենք, որ մշակութային և ազգային ինքնությունների նկատմամբ հարգանքն ու հանդուրժողականությունը կպահովեն ազգերի համար խաղաղ և կայուն ապագա՝ ստեղծելու և հարստացնելու համաշխարհային ժառանգությունը»,- դիմելով անդամ պետությունների ներկայացուցիչներին՝ ասել է ՀՀ ԿԳՄՍ նախարարը:

Նիստին մասնակցել են Մեծ Բրիտանիայի և Հյուսիսային Իռլանդիայի Միացյալ Թագավորության, Ուկրաինայի, Էկվադորի և այլ երկրների, ինչպես նաև «Մշակութային արժեքների պահպանության և վերականգնման ուսումնասիրությունների միջազգային կենտրոնի» բարձրաստիճան ներկայացուցիչները:

2022թ. սեպտեմբերի 28-30-ը Մեքսիկայի մայրաքաղաք Մեխիկոյում ընթանում է ՅՈՒՆԵՍԿՕ-ի Մշակութային քաղաքականության և կայուն զարգացման համաշխարհային համաժողովը, որին մասնակցում է ՀՀ կրթության, գիտության, մշակույթի և սպորտի նախարար Վահրամ Գումանյանի գլխավորած պատվիրակությունը: Հայաստանյան պատվիրակության կազմում են նախարարի տեղակալ Ալֆրեդ Քոչարյանը և Մշակութային ժառանգության և ժողովրդական արհեստների վարչության պետ Աստղիկ Մարաբյանը:

«ՀԱՅՅԱՅՍՎԱԸ»

ԱՄԵՐԻԿԱՆԱՅ ԳԻՐԻԺՈՐԸ՝ ՀԱՅԱՍՏԱՆՈՒՄ

Կամերային երաժշտության ազգային կենտրոնի «Հայաստան» նախագծի օջառակում Հայաստանում երոյթ կուցնեա ամերիկահայ դիրիժոր Պեռնո Շեքիլյանը:

Նրանց ծայրն ավելի լսելի դարձնելով՝ Կե-ԼԿ-ը նպատակ ունի նոր թափ հաղորդել Հայաստանում մշակութային կյանքի զարգացմանն ու Հայաստան-սփյուռք մշակութային կապերի ամրապնդմանը»,- նշում է նախագծի համակարգող, Կամերային երաժշտության ազգային կենտրոնի փոխտնօրեն Արմեն Սուքիասյանը:

Համերգը տեղի կունենա սեպտեմբերի 30-ին Կոմիտասի անվան կամերային երաժշտության տանը: Համերգին դիրիժորը կղեկավարի Հայաստանի պետական կամերային նվագախումբը (գեղարվեստական ղեկավար և գլխավոր դիրիժոր՝ ՀՀ վաստակավոր արտիստ Վահան Մարտիրոսյան):

Սեպտեմբերի 30-ի համերգի ծրագրում Մոցարտի, Շոստակովիչի, Կոմիտաս/Ասլանյանի և Դանիել Երաժշտի ստեղծագործություններն են:

«ԿեԼԿ «Հայաստան» նախագծի ընթացքում Հայաստանում երոյթ են ունենում հայազգի հանրահայտ արտիստներ, որոնք նախկինում որոշ պատճառներով դեռ երոյթ չեն ունեցել կամ ակտիվ ստեղծագործական գործունեություն չեն ծավալել հայրենիքում: Հայազգի դիրիժորներին ու մենակատարներին ներկայացնելով ու

հիմնադրամի մեղալով և պատվոգրով: Նա մասնակցել է մի շարք երաժշտական փառատոների, ինչպիսիք են Մոսկվայի Զատկի և Շվեդիայի Բորգոլմսի միջազգային երաժշտական փառատոները և շրջագայել է այնպիսի երկրներում, ինչպիսիք են Միացյալ Թագավորությունը, Շվեդիան և Ֆինլանդիան: Վերջերս Շեքիլյանը մասնակցել St. Petersburg Palaces International Music Festival-ին, որտեղ ղեկավարել է Մոցարտի Ռեքվիեմը և արժանացել քննադատների բարձր գնահատականին: Մեկ այլ հատկանշական իրադարձությունը Շեքիլյանի համերգն էր London Mozart Players-ի հետ Սուրբ Զոն Սմիթ հրապարակում:

Պեռնո Շեքիլյանը նաև ձեռնարկվել է Հայ Առաքելական եկեղեցու քահանա և ներկայումս ապրում է ԱՄՆ-ի Մասաչուսեթս քաղաքում՝ համատեղելով իր երաժշտի և հոգեբանական կոչումները:

ԼՈՒՐԵՐ

ՖՈՒՏԲՈՒԼՍԵՐ ԱՏԱՓՈԽՎԵԼ Է

Մոսկվայի «Լոկոմոտիվի» 23-ամյա պաշտպան Նաիր Տիկնիզյանը չի բացառել, որ կընդունի Հայաստանի ազգային հավաքականի հրավերը, եթե դարձալ ստանա: Մոտ կես տարի առաջ ֆուտբոլիստի գործակալը հայտնել էր, որ ռուսաստանցի ֆուտբոլիստը մերժել է Հայաստանի ֆուտբոլի ֆեդերացիայի հրավերը:

«Այո, ես ունեմ մարզական քաղաքացիությունս փոխելու իրավունք, բայց հարցը ցանկությունն է, դեռ ոչինչ չկա: Հայաստանի ֆուտբոլի ֆեդերացիայի հետ կապի մեջ եմ: Ես նրանց վերաբերվում եմ առավելագույն հարգանքով:

Կյանքում ամեն ինչ կարող է փոխվել: Ես նրանց ասացի. «Եթե այսօր ասել եմ «ոչ», ապա վաղը կասեմ «այո»»: Ամեն ինչ կախված կլինի նրանց ընդունելիքից: Բայց սա չի նշանակում, որ ինչ-որ բան տեղի կունենա: Զգիտեմ՝ ինչ տեղի կունենա վաղը: Ապրում եմ այսօրվա օրով: Երեկ կես տարի առաջ եմ զանգել Հայաստանից: Ես ոչինչ չեմ սպասում: Հիմա ամենակարևորը «Լոկոմոտիվ» է, իսկ հավաքականը հիմա երկրորդական է»,- Տիկնիզյանի խոսքը մեջբերում է Sport-express.ru-ն:

Տիկնիզյանը ծնվել է Սանկտ Պետերբուրգում: 2016-2021-ին եղել է Մոսկվայի ԲԿՄԱ-ի խաղացող: Նա հանդես է եկել Ռուսաստանի մինչև 19, 20, 21 տարեկանների հավաքականներում:

Տիկնիզյանը ծնվել է Սանկտ Պետերբուրգում: 2016-2021-ին եղել է Մոսկվայի ԲԿՄԱ-ի խաղացող: Նա հանդես է եկել Ռուսաստանի մինչև 19, 20, 21 տարեկանների հավաքականներում:

ՆՎԻՐՎԱԾ Է ՄՈՒԿԵԼԱՎՈՐՈՂՐՆ

WWD-ին մոտ կանգնած աղբյուրները պարզել են, որ առաջիկա Met Gala-ն նվիրված է լինելու հանգուցյալ մոդելավորող Կարլ Լագերֆելդին:

Միջոցառումը տեղի կունենա 2023 թվականի գարնանը:

Ցուցահանդեսին կներկայացվեն նրա ավելի քան 150 լուբեր՝ Chanel-ի, Balmain-ի, Patou-ի, Fendi-ի, Chloe-ի և իր համանուն հավաքածուի համար:

Fendi և Chanel նորաձեռության տների գլխավոր մոդելավորողը մահացել է 2019 թվականի փետրվարի 19-ին: Կարլ Լագերֆելդի մահը ցնցել է համաշխարհային նորաձեռության աշխարհի ներկայացուցիչներին:

ՀԱՆԳԻՊՈՒՄԸ ԱՅՍՕՐ

ԱՄՆ-ի և Չինաստանի հավաքականները կվիճարկեն բասկետբոլի կանանց աշխարհի չեմպիոնի տիտղոսը:

Ավստրալիայի Սիդնեյ քաղաքում ավարտին մոտեցող առաջնության կիսաեզրափակիչում ամերիկացիները 83:43 (27:7, 18:14, 22:8, 16:14) հաշվով առավելության հասան Կանադայի թիմի նկատմամբ:

Չինաստանի հավաքականը կիսաեզրափակչում մրցեց ավստրալացիների հետ և հաղթեց 61:59 (13:17, 23:17, 11:14, 14:15) հաշվով:

Եզրափակիչն ու երրորդ տեղի համար հանդիպումը տեղի կունենան հոկտեմբերի 1-ին:

● Հոկտեմբերի 1-ին Երևանի պետական կամերային թատրոնում տեղի կունենա «Հինգ պատմություն՝ սիրո մասին» ներկայացումը: Տոմսերի արժեքը՝ 2000-6000 դրամ: Սկիզբը՝ ժամը 19:00-ին:



Էջը՝ ՌՈՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Ո՞ր փաստաթղթերն են համարվում աշխատանքային ստաժը հաստատող փաստաթղթեր:
Լուսինե Սկրտունյան (28 տարեկան)



ՊԱՏԱՍԽԱՆ. Մինչև 1992 թվականի հունվարի 1-ն ընկած ժամանակահատվածի համար աշխատանքային ստաժը հաստատող հիմնական փաստաթուղթն աշխատանքային գրքույկն է կամ կառավարության սահմանած այլ փաստաթուղթ:

1992 թվականի հունվարի 1-ից մինչև 2013 թվականի հունվարի 1-ն ընկած ժամանակահատվածի համար աշխատանքային ստաժը հաստատող հիմնական փաստաթուղթը՝

- 1) աշխատանքային գրքույկն է կամ կառավարության սահմանած այլ փաստաթուղթ,
 - 2) սոցիալական վճարներ կատարելը կամ աշխատավարձ ստանալը հաստատող փաստաթուղթը, բացառությամբ կառավարության սահմանած դեպքերի:
- Սոցիալական վճարներ կատարելը եւ աշխատավարձ ստանալը հաստատող փաստաթղթերի վավերացմանը սահմանում է կառավարությունը:


ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». 2013 թվականի հունվարի 1-ից հետո ընկած ժամանակահատվածի աշխատանքային ստաժը հաստատվում է սույն օրենքով սահմանված տեղեկատվական շտեմարան ներառված տվյալների հիման վրա:

ՏՆՏԵՍԱԿԱՆ

ՀԱՐՑ. Ի՞նչ սկզբունքով է կատարվում մաթեմատիկական հսկողության թանկ գնվող ապրանքների նկատմամբ օրենքով արգելված գործողությունների կիրառումը:

Հայկ Իգիթյան (32 տարեկան)



ՊԱՏԱՍԽԱՆ. Սույն օրենսգրքով արգելված դեպքերում մաթեմատիկական հսկողության տակ գտնվող ապրանքներն ու տրանսպորտային միջոցները, բնական մաշվածության հետեւանքով առաջացած փոփոխություններից բացի, այլ փոփոխությունների (բացառությամբ Հայաստանի Հանրապետության կառավարության որոշումներով «ժամանակավոր ներմուծում» մաքսային ռեժիմով ժամկետի երկարաձգման դեպքերի) ենթարկելը առաջացնում է տուգանքի նշանակում այդ ապրանքների եւ տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

ՀՀ պետական եկամուտների կոմիտե

«ԺՈՂՈՎՈՒՐԳ». «Ներմուծում մաքսային պահեստ» եւ «ներմուծում ազատ մաքսային պահեստ» ռեժիմներով բաց թողնված ապրանքների նկատմամբ այնպիսի գործողություններ իրականացնելը, որոնք հանգեցրել են այդ ապրանքների հատկանիշների եւ (կամ) նպատակային նշանակության փոփոխությանը, առաջացնում է տուգանքի նշանակում՝ ապրանքների մաքսային արժեքի տասը տոկոսի չափով:

ԼՈՒՐ ԿԱԴՐ

Լուսանկարը՝ համացանցից



Սեպտեմբերի 30-ից մեկնարկել է Գրքի երեւանյան 5-րդ փառատունը, որն այս տարի նվիրված է Վահագն Դավթյանի 100-ամյակին: Միջոցառումների շարքը կշարունակվի մինչև հոկտեմբերի 2-ը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
 «Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝
 «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 30.09.2022
Պատկեր: Գեորգիյան Կարեն, Կ. Կարենյան 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: